



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Abundantia Virg. 19. Ianuarii.

urn:nbn:de:hbz:466:1-44055

19.Ian. VITÆ SANCTORVM. 45
supra quingentesimum. Puer genium suum defraudat, ut inopum ditet. Hinc Sacerdos ex Sacerdote nobilis eremi cultor cœnobium exædificat, & silvas facit habitari. In his feræ à lupis agitatæ asylon sinum pandit, verissima aurei seculi ovis. Inde optimus orator oratione suâ suadet arbori ingenti, aliò ut migret, & persuadet. Depopulantem porrò omnia flammā uno Crucis signo exarmat: ægris sanitatem pristinam plurimis impertit. Sed non perinde avaro nescio cui facere medicinam placuit. Fuit hic oppidò dives, sed letho proximus rectè pauper sibi videbatur. Mittit itaque XL. aureos LAVNOMARO, sive ut DEVUM sibi per hunc propitium redderet, sive ut fortè sic mortem auro corrumperet. At verò LAVNOMARVS ad severum in arâ examen singulos expendere, & unico duntaxat servato, alios omnes remittere, gravi additâ denuntiatione, quâ & expostulabat, quòd furtum munus Deo obtruderet, & simul mortem indicebat. Et verò non huic tantum, sed universæ Galliæ vastitatem clademque vaticinatus est; ipse tamen ne hanc videret, morte oculos clausit. Ex Surio.

Homo, mitte & præmitte thesaurum tuum in cælos, ne cælestem animam demergas in terram. Aurum de profundo terræ; anima ab excelsis cæli. melius proinde est, ad sedem suam deferri aurum, quam in sepulchro auri Anima demergatur. S.Pet.Chrys.serm.22.

S. ABUNDANTIA VIRG. 19.Ianuarii.

Satis laudasse ABUNDANTIAM videri possem, si illud modò dicerem, & natam & mortuam laudatam ultrò ab ære campano fuisse. Adjiciam tamen alia pluscula. Cùm sacro fonte tingeretur, dicuntur

dicuntur lampades templi suâpre sponte accensæ, & infanti lucem & urbi infantem gratulatae esse; ipsa ABUNDANTIA jam tunc in innocentis feminæ patrocinium (adulterii rea agebatur) fuisse facunda. Jam octennem ferunt ab icone pueruli JESV MATRIS sinum insidentis pomum aureum, quod manu forte pictum gestabat, petiisse & adeò impetrasse; ἀντιδεξον deinde flores (ab hieme donatas) eidem attulisse, & ut acciperet persuasisse. Sed hucusque cælum cum puellâ lusit. quæ dicam severiora sunt. Itaque memorant cum Majolo Abbatte matréque Jerosolymam ivisse, & cùm cætera Christi vestigia, tum illa potissimum venerabundam ex osculatam fuisse, ubi ille pondere Crucis fessus ob viam MATERM habuit, heu! alteram tunc oculis suis crucem. Hic lacrimis disfluere voluisse ABUNDANTIAM; hic flagris ita in sese sæviisse, ut sicut oculi in fontem, ita sanguis fusus in rivos abire videretur. Abhinc Angelo duce in antrum Onuphrii devenisse, illicque feminam viri vitam vixisse. Ad extremum repartam à patre reductamque in patriam, omnem, hoc mortuo, hereditatem egenis cessisse; mortuam deinde etiam ipsam profunere ab Angelis laudatâ cantu fuisse. Ex Ferrar.

Ad cælestia regna suspires, voluntatem Dei facias, imiteris Angelos super terram, adversus tentationes propietate configas; & si cælestis militia sacramenta servaveris, non dubites te in castris triumphalibus Regis æterni victoriâ coronandum. S. Leo s.2. de Nat. Dom.

S. SEBASTIANUS MART. 20.Ianuarii.

ANno post CHRISTVM natum LXXXVI. supra CC. Marcus & Marcellianus Christiani milites ad defectionem vehementer à parentibus sollicitabant-